

# LETTER KEN KA RUO AN PAUL ÑŃN TIMOTE.

## JAPTER 1.

**P**AUL dri jilik an Kraist Jisōs kin ankil an Anij, ekar ññn kalimur in mour eo ej ber ilo Kraist Jisōs,

2 Kor. 1. 1. Ep. 3. 6. Tait. 1. 2. Hib. 9. 15.

2 Ññn Timote nejiō jitenburu iba : Jolj, tiriamokake, ainemōn, jen Anij Jemer im Jisōs Kraist, ar Iroj.

1 Tim. 1. 2.

3 Ij kamolol Anij, eo ij korijeran jen ro jimaō ilo bōklikōt erreō, bwe I jab jokwōr in kememej yuk ilo jar ko aō, ke ran im boñ;

Rom 1. 8. Ep. 1. 16. Jerb. 22. 3. & 23. 1. & 27. 23. Rom 1. 9. Gal. 1. 14. 1 Tes. 1. 2.

4 I kanuij kōnan lo yuk im ij kememej am dren in kemjalal, bwe in kab obrōk kin lōñliñ;

jap. 4. 9, 21.

5 Ke ij kememej tōmak emol ej ber ibōm; eo e ar ber ilo jibwōm Lois mokta, kab ilo jinōm Eunis, im aō lemnok ej bareinwōt ilo kwe.

1 Tim. 1. 5. & 4. 6. Jerb. 16. 1.

6 Kin men in ij kakememej yuk bwe kwon bar kenokle men in lewoj eo ej ilo kwe kin aō likit peiō iom.

1 Tes. 5. 19. 1 Tim. 4. 14.

7 Bwe Anij e ar jab letok ññn kij jītōb in lelñōñ, a jītōb in kajur im yokwe im kajime.

Jerb. 1. 8. Rom 8. 15.

8 Inem kwon jab jok kin kennan an ar Iroj, ak kin iō dri prisōn eo An, a kwon bōk mōtōn iñtan ko an gospel kin kajur an Anij;

Rev. 1. 2. Ep. 3. 1. Kol. 1. 24. jap. 4. 5.

9 Eo E ar lomoren kij, im kir kij kin kir ekwojarjar, jab ekar ññn jerbal ko ar, a ekar ññn An bebe

im joi, eo ar letok ññn kij ilo Kraist Jisōs mokta jen ienkolok mokta,

1 Tim. 1. 1. Hib. 3. 1. & 8. 28. Rom 3. 20. & 9. 11. & 16. 25. Ep. 1. 4. & 3. 11. Tait. 1. 2. & 3. 5. 1 Pit. 1. 20.

10 A emwij an kwalok e kiō kin waloktok eo an ar Dri Lomor, Kraist Jisōs, eo E ar kejemlok mij, im ar kalikar mour kab mour in drio kin gospel,

Rom 16. 26. 1 Pit. 1. 20. 1 Kor. 15. 54, 55. Hib. 2. 14.

11 Ññn eo ar likit iō dri kwalok, im dri jilik, im dri katakin.

1 Tim. 2. 7. jap. 4. 17.

12 Kin men in, ij bareinwōt iñtan ilo men kein : a I jab jok; bwe I jela Eo I ar liki E, im erel buruō bwe E maroñ in kejbārok men eo I ar likit e ññn E, mae ran eo.

1 Pit. 4. 19. 1 Tim. 6. 20. jap. 2. 9. & 4. 8.

13 Kwon kanuij drebij wāwen nan ko remol kw'ar roñjaki jen ña, ilo tōmak im yokwe eo ej ilo Kraist Jisōs.

jap. 3. 14. Tait. 1. 9. Hib. 10. 23. Rom 2. 20. & 6. 17. 1 Tim. 1. 10. & 6. 3. jap. 2. 2. 1 Tim. 1. 14.

14 Men eo emōn, emwij likit e ibōm, kwon kejbārok e kin Jitōb Kwojarjar eo Ej jokwe ilo kij.

Rom 8. 11.

15 Kwo jela men in, bwe aolepeir rej ber ilo Esia r'ar illok jen ña; etan ruo iair Patjelōs im Hermojinis.

Jerb. 19. 10. jap. 4. 10, 16.

16 Iroj en tiriamokake Onesiporōs im ro nukin : bwe elōñ alen au kainemōn iō, im e ar jab jok kin liab eo aō :

Mat. 5. 7. jap. 4. 19. Pail. 7. Jerb. 28. 20.

17 A ke e ar ber i Rom e ar kanuij kabukot iō im lo iō

18 (Iroj en lelok ññn e bwe en bōk tiriamokake jen Iroj ilo ran

eo); im kin jete men ko e ar jibōñ  
iō i Epesōs, kwo kanuij jela.

Mat. 25. 34-40. Hib. 6. 10.

### JAPTER 2.

**I**NEM, kwe nejīō, kwon kajurlok  
ilo joiy eo ej ilo Kraist Jisōs.

1 Tim. 1. 2. jap. 1. 2. Ep. 6. 10.

2 Im men ko kw'ar rofi jen fia  
iman mejen elōñ dri kennan, men  
kein kwon likiti na iben armij retij-  
jek, ro re naj bareinwōt maroñ in  
katakin ro jet.

jap. 1. & 13. & 3. 10. 14. 1 Tim. 1. 18. Tait. 1. 9.

3 Kwon iñtan iba, einwōt dri tōri-  
nae emōn an Kraist Jisōs.

jap. 1. 8. 1 Tim. 1. 18.

4 Ejelok armij eo ej tōrinae ej  
mōke mōrjake kin men ko an mour  
in; bwe en kabuñburuen eo e ar  
kälet e bwe en dri tōrinae.

5 Im elañe jabrewōt armij ej likä-  
rek, e jamin belbi elañe e jab likä-  
rek ekar ñōn kien.

1 Kor. 9. 25, 26.

6 Dri kallipe eo ej jermal, emōn bwe  
en akeo mokta.

1 Kor. 9. 10.

7 Kwon kalomōnlokjen kin men  
kein; bwe Iroi e naj kalolātāt yuk  
ilo men ko otemjej.

8 Kwon kememej Jisōs Kraist,  
nejin Devid, Eo e ar jerkakbiji jen  
ro remij, ekar ñōn gospel eo aō:

1 Kor. 15. 1. 4, 20. Rom 2. 16.

9 Im ilo e ij iñtan, im rej liabe iō  
einwōt dri nana; a nan in Anij re  
jab liabe.

Jerb. 9. 16. & 28. 31. jap. 1. 12. Ep. 3. 1. & 6.  
19, 20. Pil. 1. 7, 13, 14.

10 Inem ij kijenmij ilo iñtan otem-  
jej kin ro ar kälet ir, bwe ren barein-  
wōt bōk lomor eo ilo Kraist Jisōs  
im aibujuij in drio.

Ep. 3. 13. Kol. 1. 24. 2 Kor. 1. 6.

11 Emol nan in, Bwe elañe j'ar  
mij iben, je naj bareinwōt mour  
iben:

1 Tim. 1. 15. Rom 6. 5, 8. 2 Kor. 4. 10.

12 Elañe jej kijenmij ilo iñtan, je  
naj bareinwōt kiñ iben: elañe je  
naj karmijete, E naj bareinwōt kar-  
mijete kij:

Rom 8. 17. Mat. 10. 33.

13 Elañe je jab tōmak, Ej berwōt  
im tiljek; bwe E ban mōke karmi-  
jete.

Rom 3. 3. Bwin. 23. 19.

14 Kwon kememejlok ir kin men  
kein, im kowe ir iman mejen Iroi,  
bwe ren jab akwail kin nan wan  
ko, im ko rej kejebwābweik ro rej  
roñjaki.

jap. 4. 1. 1 Tim. 1. 4. & 5. 21. & 6. 4, 13. Tait.  
3. 9, 11.

15 Kwon kate yuk bwe Anij en lo  
kwo mōn, dri jermal e jamin jok im  
ejimewōt an katakin kin nan in  
mol.

16 A kwon kejbārok yuk jen ko-  
nono wan ko: bwe re naj etallok  
ñōn nana elaplok,

1 Tim. 4. 7. & 6. 20. Tait. 1. 14.

17 Im nan ko ajr re naj einwōt  
bōkke ko rej mōñañi: ruo lair Hai-  
meniōs im Paillitōs;

1 Tim. 1. 20.

18 Armij r'ar bwir kake mol im  
ba, bwe emwij an armij jerkakbiji,  
im rej ukoji tōmak an jet.

1 Tim. 6. 21. 1 Kor. 15. 12.

19 Ijoke e jutōk wōt foundeñōn  
ebin an Anij, im sil in ion, Anij e  
jela ro dron: im, Ro otemjelok rej  
bōk etan Iroi ren illok jen jera-  
wiwi.

Rom 8. 35. Nah. 1. 7. Jon 10. 14, 27. Bwin.  
16. 5.

20 Ilo juōn im elap e jab jābi gold  
im silver wōt, a eor jābi jen wijki  
im jen brij, jet ñōn nebar im jet  
ñōn jekron.

1 Tim. 3. 15. Rom 9. 21.

21 Inem elañe armij ej mōke kar-  
reo e jen men kein, e naj jābi ñōn  
nebar, ekwojarjar im ekar ñōn an  
Iroi kōmōn kake, im pojōk ñōn  
jermal remōn otemjej.

Isa. 52. 11. jap. 3. 17. Tait. 3. 1.

22 A kwon ko jen mōm ko an li-  
kao, im kwon lor kwojarjar, tō-  
mak, yokwe, ainemōn, iben ro rej  
jar ñōn Iroi jen buru erreo.

Jerb. 9. 14. 1 Tim. 6. 11. & 4. 12.

23 A kwon abwin kajitōk ko re-  
wan im men in jajelokjen ko, bwe  
kwo jela rej keutak akwail ko.

1 Tim. 1. 4. & 4. 7.

24 Im dri korijeran Iroi, en jab akwail, a en joij ñõn armij otemjej im pojök in katakin armij, en meanwör,

Tait. 3. 2. 1 Tim. 3. 2, 3. Tait. 1. 9.

25 Ilo inemõn en kajime ro rej jumae; elañe bwelen Anij e naj lelok ñõn ir ukwelok bwe ren jela mol,

Gal. 6. 1. 1 Pit. 3. 15. Jerb. 8. 22. 1 Tim. 2. 4. & 6. 11. jap. 3. 7. Tait. 1. 1.

26 Im bwe ren möke kötlok ir jen aujir an devil, ñe emwij kajebokweik ir ñõn ankil an.

1 Tim. 3. 7.

### JAPTER 3.

**A** KWON jela men in, bwe ilo ran ko eliktata, ien ko renana re naj waloktok.

1 Tim. 4. 1. jap. 4. 3. 1 Jon 2. 18.

2 Bwe armij ro e naj anij lo burueir, im re naj dri arök mweiuk, im dri jualõñlõñ, im dri jua, im dri kajirere, im ro rej kiblia ñõn jemeir im jineir, im ro re jab kamolol, im dri nana,

Pil. 2. 21. 2 Pit. 2. 12. Jud 10. Rom 1. 30.

3 Im ro re jab yokwe ro nukliir, im ro re lej, im ro rej kennan nan in riõp, ro re jab kamanwa, r'awia, ro rej drike emõn,

Tait. 2. 3. 2 Pit. 3. 3.

4 Ro dri ketök, ro re mölkaro, ro dri kimjaje, im ro rej yokwe men in kabuñburueir elap jen air yokwe Anij,

Pil. 3. 19. 2 Pit. 2. 10, 13. Jud 4. 19.

5 Ro rej kõmõnmõn wäwen mwi-liir, a ilo burueir rej karmijete emõn: jen rein kwon illok.

Tait. 1. 16. 2 Tes. 3. 6. 1 Tim. 5. 8. & 6. 5.

6 Bwe jet iair rej dreloñ ilo moko im kajebokweik kõra ro re jajelokjen, emwij jon ir kin jerawiwi ko, im mõm ko air rej tellok ir,

Mat. 23. 14. Tait. 1. 11.

7 Rej katak ien otemjej im re jab maroñ in tõbar jela mol jabrewõt ien.

1 Tim. 2. 4.

8 Im einwõt Jannis im Jambris r'ar jumae Moses, ein drein barein-

wõt rein rej jumae mol, im burueir re köt, dri en joko jen tõmak eo.

Eks. 7. 11. 1 Tim. 6. 5. Rom 1. 28. Tait. 1. 16.

9 A re jamin etal manlok, bwe air jajelokjen e naj alikar ñõn armij otemjej, im einwõt jajelokjen eo airro.

Eks. 7. 12. & 8. 18. & 9. 11.

10 A kwe, kw'ar lorlok aõ katakin, kõmõnmõn, lemno, tõmak, meanwör, yokwe, kijenmij,

Pil. 2. 22. 1 Tim. 4. 6.

11 Matörtör ko, im iñtan ko; men ko r'ar itok ñõn iõ i Antiok, i Aikoniõm, i Listra; matörtör röt I ar niknik kaki: im jen ir otemjej Iroi e ar kötlok iõ.

Jerb. 13. 45, 50. & 14. 2, 5, 19. Sam 34. 19. 2 Kor. 1. 10. jap. 4. 17.

12 Aet, im ro otemjej re kõnan mour im kwojarjar ilo Kraist Jisõs, naj matörtöre ir.

Mat. 16. 24. Jon 17. 14. Jerb. 14. 22. 1 Kor. 15. 19.

13 A armij renana im ro dri jela mon re naj laplok ilo air nana, re naj mone im naj mone ir.

jap. 2. 16.

14 A kwon berwõt ilo men ko kw'ar katak im rel buruõm kaki, bwe kwo jela wõn eo kw'ar katak iben;

jap. 1. 13. & 2. 2.

15 Im jen ke kwoj ajiri, kw'ar jela jeje ko rokwojarjar, ko re maroñ in kameletlet yuk ñõn lomor kin tõmak eo ej ilo Kraist Jisõs.

Jon 5. 39.

16 Jeje ko otemjej emwij letok kin kakõrmol an Anij, ej bareinwõt or tokjeir kin katakin, im kowe, im kajime, im kajelaik armij ilo kwojarjar;

2 Pit. 1. 20, 21. Rom 15. 4.

17 Bwe armij korijeran Anij en wäppen im emwij kõkõmõnmõn e ñõn jeralb emõn otemjej.

1 Tim. 6. 11. jap. 2. 21.

### JAPTER 4.

**I**J kowe yuk iman mejen Anij, im Kraist Jisõs, eo E naj ekajet ro remour im ro remij, im kin An weaktok im An ailiñ;

1 Tim. 5. 21. Jerb. 10. 42.

2 Kwon kwalok nan, kwon kate yuk ilo ien emön im enana; kajime, im enoik, im kowe kin meamwör otenmej im katakin.

Tait. 1. 13. 1 Tim. 4. 13. & 5. 20.

3 Bwe ien e naj itok ñe re naj drike katak emön, a kin möm ko air re naj koorlok ro dri kaki ñön ir möke, eremöm lojiliñiir;

1 Tim. 1. 10. jap. 3. 1, 6.

4 Im re naj okötöklok lojiliñiir jen mol, im naj illok ñön bwebwenato rewan.

1 Tim. 1. 4.

5 A kwon jadör ilo men ko otemej, kwon kijenmij ilo iñtan ko, kwon kömön jermal an dri ewanjel, kwon kajejit jermal eo am.

jap. 1. 8. & 2. 3. Jerb. 21. 8. Ep. 4. 11.

6 Bwe ña I nañin men in katok, im e mottok ien aö ilok.

Pil. 1. 23. & 2. 17. 2 Pit. 1. 14.

7 I ar törinae törinae emön, I ar kamwijlok aö elulu, I ar drebij tömak eo;

1 Kor. 9. 25. Pil. 3. 14.

8 Jen ien in beliö in kwojarjar ej kötar iö, eo Iroi, Dri ekajet e wänik E naj letok ñön iö ilo ran eo: im jab ñön iö wöt, a ñön ro otemej r'ar yokwe An weaktok.

1 Kor. 9. 25. Rev. 2. 10. jap. 1. 12.

9 Kwon kaiur yuk im jaröptok:

10 Bwe Dımas e ar illok jen iö kin an yokwe löl in, im e ar illok ñön Tessalonika; Krossens ñön Galletia, Taitös ñön Dalmetia.

Kol. 1. 14. 1 Jon 2. 15.

11 Luk wöt ej ber iba. Kwon añintok Mark iböm, bwe ej kakajuror iö kin an jiböñ.

jap. 1. 15. Pail. 24. Kol. 4. 10, 14.

12 A Tikikös I ar jilkinlok ñön Epesös.

Jerb. 20. 4.

280

13 Kobe eo I ar likit na i Troas iben Karpös, ñe kwoj itok, kwon kab böktok ibömtok, im buk ko, im bareinwöt jeje ko.

14 Alexander dri jerbale jinibor e ar kömön elöñ men ko renana ñön iö: Iroi e naj nawönan ekar ñön jermal ko an:

Jerb. 19. 33. 1 Tim. 1. 20. 2 Samuel 3. 39. Sam 23. 4. Rev. 18. 6.

15 Im kwe, kwon kejbärok yuk jen e; bwe elap an jumae nan ko ar.

16 Ilo aö uak mokta ejelok armij e ar jutök iba, a ro otemej r'ar illok jen iö; men in en jab likit bwe en rueir.

jap. 1. 15. Jerb. 7. 60.

17 A Iroi e ar jutök iba im kakajur iö; bwe kin ña kwalok in en kanuij alikar im dri ailiñ ko otemej ren roñjake: im emwij kötlok iö jen loñin laiön eo.

Mat. 10. 19. Jerb. 9. 15. & 23. 11. & 26. 17. & 27. 23. Sam 22. 21. 2 Pit. 2. 9.

18 Im Iroi e naj kötlok iö jen jermal ko renāna otemej im naj lomo-riö ñön an ailiñ i löñ. Ñön Eo en aibuuij in drio im in drio. Amen.

Sam 121. 7. Rom 11. 36.

19 Kwon yokyokwe Priska im Akula, kab Onesiporös im ro nukin.

Jerb. 18. 2. jap. 1. 16.

20 Erastös e ar berwöt i Korint: a Tropimös e nañinmij im I ar likit e i Mailitös.

Jerb. 19. 22. & 20. 4. & 21. 29. Rom 16. 23.

21 Kwon kaiur yuk im itok mokta jen ien ebio. Eubulös ej yokyokwe yuk, im Pudens, im Lainös, im Klaudia, im jimjān jimjāten otemej.

22 Iroi en iben am. Jotj en ber iböm.

Gal. 6. 18.